

ROLEX



MICHELSSEN
 ÜRSMÍÐIR SÍÐAN 1909
 Laugavegur 15 - 101 Reykjavík - 511 1900 - www.sviss.is

MARKAÐURINN

Göngum hreint til verks!
GUÐJÓNÓ
 VISTVÆN PRENTSMÍÐJA
 Sími 511 1234 • www.gudjono.is

Sögurnar... tölurnar... fólkið...

Miðvikudagur 25. mars 2009 - 12. tölublað - 5. árgangur

Veffang: visir.is - Sími: 512 5000 **visir**

Össur Kristinsson
 Gefur fátækum gervifætur

2



Sparisjóðirnir
 Laskaðir með óbreytta framtíðarsýn

4



Art Schalk
 Sparnaðarleiðir og sóknarfæri

6



Vísitalan yfir 200 stigin

Gengisvísitala krónunnar styrktist um 0,75 prósent í gær og rauf hún við það 200 stiga múrinn sem hún hefur legið fast upp við síðan í síðustu viku. Vísitalan endaði í 200,9 stigum og hefur ekki verið veikari síðan í enda janúar.

Veikingin var snörp, öll fyrir hádegi, sem er lýsandi fyrir millibankamarkaðinn um þessar mundir. Fyrir breytinguna í gær höfðu engin viðskipti verið með krónum frá því á fimmtudag í síðustu viku.

Birting verðbólguálagninga og síðbúin áhrif af stýrivaxtalækkun Seðlabankans í síðustu viku auk útlæðis á gjaldeyri vegna gjald-

daga á ríkis- og inni-stæðu-bréfum skýra veikingu krónunnar í gær, að sögn Greiningar Íslandsbanka. - job

HELST Í ÚTLÖNDUM

Ein mynt | Seðlabankastjóri Kína hefur lagt fram tillögu um sameiginlega mynt fyrir heimshagkerfið. Alþjóðagjaldeyrissjóðurinn myndi halda utan um gjaldmiðilinn. Bankastjórnin segir þetta geta minnkað vægi annarra mynta, ekki síst Bandaríkjadals.

Borga til baka | Bandaríski fjárfestingabankinn Goldman Sachs hefur tilkynnt að hann hyggist greiða til baka tíu milljarða neyðarlán fyrir fjármálafyrirtæki innan mánaðar sem bankinn sótti til stjórnvalda. Fleiri fyrirtæki hafa tekið í sama streng.



Mikil hækkun | Fjárfestar í Bandaríkjunum kættust mjög á mánudag eftir að stjórnvöld þar greindu frá áformum sínum um kaup á eitureignum og öðrum verðlausum bréfum fyrir allt að þúsund milljarða dala. Dow Jones-vísitalan stókk upp um sjö prósent.

Nýbúar kaup | Nýbúar standa á bak við 70 prósent íbúðakaupa á vissum svæðum í Kaupmannahöfn. Að hluta til skýrist það af því að þeir lána hver öðrum fyrir kaupum á íbúðum eða húsum, að sögn danska dagblaðsins Børsen.

Verðbólga eykst | Verðbólga mældist 3,2 prósent í Bretlandi í febrúar samanborið við slétt þrjú prósent í janúar, samkvæmt nýjustu hag-tölum. Þróunin er þvert á væntingar. Verðhækkningar á innfluttum vörum vegna falls pundsins skýra breytinguna að mestu.

Útlendingar vilja fimmtung í Marel

Hópar fjárfesta og fyrirtækja vilja kaupa ráðandi hlut í Marel Food Systems. Ásókn er í ódýr hlutabréf eftir gengishrunið.

Jón Aðalsteinn Bergsveinsson
 skrifar

Óformlegar viðræður hafa átt sér stað um kaup evrópskra fjárfesta og fyrirtækja á tuttugu prósent hlut í Marel Food Systems. Áhuginn mun vera allnokkur og hafa margir sýnt áhuga á að eignast ráðandi hlut, eða 51 prósent. Áætlað er að sala skili 40 milljónum evra hið minnsta, eða sex milljörðum króna.

Árni Oddur Þórðarson, stjórnarformaður Marel Food Systems, staðfesti að viðræður hefðu átt sér stað. Hann vildi ekki tjá sig frekar um málið. Eyrir Invest, stærsti hluthafinn, muni ekki selja úr eignasafni sínu náist samningar.

Þetta er annað sinnið á viku sem greint er frá áhuga erlendra fjárfesta á íslensku stórfyrirtæki. Hitt er stóðtækjafyrirtækið Össur, sem Eyrir á fimmtungshlut í.

Gengi hlutabréfa í Marel Food Systems hefur fallið um rúm fjórutíu prósent frá áramótum og fór undir 45 krónur á hlut í gær. Í kjölfar gengishrunsins eru hlutabréfin í þessu stærsta matvælavinnsluvélfyrirtæki heims afar ódýr í evrum og Bandaríkjadöllum talið. Sama máli gegnir um hlutabréf Össurar.

TÍU STÆRSTU HLUTHAFARNIR	
Hluthafar	Eignarhlutur
Eyrir Invest	39,79%
Horn fjárfestingarfélag	19,43%
Grundtvig Invest A/S	10,61%
Lífeyrissjóður verslunarmanna	3,02%
Gildi - lífeyrissjóður	2,61%
Lífeyrissjóðir Bankastræti	2,58%
Sameinaði lífeyrissjóðurinn	2,44%
Stafir lífeyrissjóður	1,75%
Ingunn Sigurðardóttir	1,21%
Stapi lífeyrissjóður	1,15%

Víst þykir að hvorki er vilji hjá Marel Food Systems né stærstu eigendum að selja hlutabréf á núverandi markaðsgengi. Hins vegar er óvíst um stöðu hluthafanna. Eyrir Invest má ekki bæta við sig þótt það vildi án þess að brjóta yfirtökureglur. Óvíst er með burði annarra hluthafa.

Marel Food Systems situr ekki sjálft á fimmtungshlut eigin bréfa og mun væntanleg sala fela í sér að einhverjir hluthafar minnka við sig auk þess sem heimild stjórnar til útgáfu á nýjum hlutum verður virkjuð náist samningar.

Rangri eða slæmri ráðgjöf fylgt

Kröfuhafar SPRON töldu stjórnvöld fylgja rangri eða gallaðri ráðgjöf í aðdraganda þess að Fjármálaeftirlitið (FME) greip inn í rekstur SPRON og Sparisjóðabankans um síðustu helgi. Þetta kemur fram í tölvupóstskrifum fulltrúa stýrihóps kröfuhafanna til stjórnvalda síðasta föstudag. Í erindum sínum til stjórnvalda þann dag áréttuðu kröfuhafarnir vilja sinn til að ná samkomulagi um framlengingu lána og afskriftir sem þurft hefðu til að tryggja starfhæfi SPRON og væri líklegt til að hámarka heimtur þeirra.

„Í kjölfarið á símafundi sem nýlokið er við fulltrúa FME, Seðlabankans og fjármálaráðuneytisins [síðdegis föstudaginn 20. mars], hefur stýrihópur

sá sem er fulltrúi 35 alþjóðlegra banka sem lánað hafa SPRON miklar áhyggjur af því að taka eigi handahófskennda og óábyrgar ákvarðanir í málafnum SPRON. Ákvarðanir sem byggja á skorti á skilningi viðeigandi yfirvalda á þeirri lausn til endurskipulagningar sem þeim var kynnt 18. mars,“ segir í erindinu, sem er frá fulltrúa Sumitomo Mitsui-bankanum. Sá banki er jafnframt einn stærsti kröfuhafi Kaupþings.

Þá hefur Markaðurinn heimildir fyrir því að auki á reiði kröfuhafanna að Alþjóðagjaldeyrissjóðurinn (AGS) virðist hafa átt hlutdeild í þeirri ákvörðun að taka SPRON yfir, en ákvörðun þar að lútandi hafi verið tekin að höfðu samráði við sjóðinn. - óká

GENGISPRÓUN

	Vika	Frá áramótum
Alfesca	17,9%	-21,4%
Bakkavör	-3,4%	-43,8%
Eimskipafélagið	33,3%	-20,0%
Föroya Bank	11,3%	-2,5%
Icelandair	-36,4%	-47,4%
Marel	-4,8%	-41,9%
Össur	32,2%	-2,8%

*Miðað við lokagengi í Kauphöll í gær.
 Úrvalsvísitalan OMXI15 215
 Úrvalsvísitalan OMXI6 637

TOM FORD

PRADA

ROBERTO CAVALLI

JUST CAVALLI

CUTLER AND GRO

TOM FORD

BELLINGER

ROBERT LA ROCHE

RALPH LAUREN

FRÍAR SJÓNMAELINGAR TIL PÁSKA

Pantaðu tíma:
SMÁRALIND 528 8500
KEFLAVÍK 421 3811

Optical Studio
 SMÁRALIND • LEIFSSTÖÐ • KEFLAVÍK



TÆKIFÆRI Í NÆSTA NÁGRENNI

Viðskiptasendinefndir til Færeyja, og Spánar og Portúgal

Útflutningsráð fer fyrir viðskiptasendinefnd til Færeyja dagana 27.-29. maí.

Íslenskum fyrirtækjum bjóðast tækifæri til samstarfs á hinum ýmsu sviðum, bæði í framleiðslu og þjónustu. Viðskiptafundir eru skipulagðir fyrir íslensku þátttakendurna.

Viðskiptasendinefnd til Spánar og Portúgal

Útflutningsráð kannar áhuga fyrirtækja á sendinefnd til Spánar og Portúgal í haust.

Markmið ferðarinnar er kynning á markaðstækifærum ásamt fyrirtækjafundum. Tækifæri á þessum markaði eru m.a. í þjónustugreinum ýmiss konar, fiskveiðum og fiskvinnslu og tækniþekkingu á sviði orkulausna.

Áhugasamir hafi samband sem fyrst við **Elsu Einarsdóttur**, elsa@utflutningsrad.is eða í síma 511 4000.



ÚTFLUTNINGSRÁÐ ÍSLANDS

Borgartún 35 • 105 Reykjavík • sími 511 4000 • www.utflutningsrad.is

Segja Marel ekki á leið úr landinu

Ný framkvæmdastjórn Marel Food System stýrir samþættingu og innri uppbyggingu eftir mikinn ytri vöxt síðustu ára. Nýr forstjóri segir fyrirtækið ekki á förum frá landinu.

Óli Kristján Ármannsson
skrifar

„Áherslan er nú á samþættingu rekstrarins og endurskipulagningu undir einu heiti eftir mjög hraðan uppvöxt og útrás síðustu ára,“ segir Theo Hoen, nýr forstjóri Marel Food Systems. Hann hefur starfað við hlið Harðar Arnarsson frá því Marel Food Systems sameinaðist Stork Food Systems í fyrravor, en þar var Theo Hoen forstjóri áður. Tilkynnt var um starfslok Harðar um helgina. Þá tók Sigsteinn Grétarsson, sem áður var framkvæmdastjóri starfsemi Marel hf. hér á landi, sæti í framkvæmdastjórn félagsins við hlið Hoens og Eriks Kaman fjármála-stjóra.

Breytingarnar ollu nokkru umróti meðal starfsfólks Marel Food Systems hér, en nýir yfirmenn félagsins kynntu þær á fjölmönnum fundi á mánudag. „Spurningarnar sem helst brunnu á fólki sneru á það því hvort flytja ætti félagið úr landi og hvort störf þess væru trygg,“ segir Hoen, sem vísar á bug öllum vangaveltum um flutning fyrirtækisins. Þekkingin sé hér til staðar og eðli starfseminnar ekki þannig að hún verði auðveldlega flutt. „Svo hefur starfsemi líka gengið mjög vel hér og undarlegt að fara að hrófla við því. Frekar væri að við mundum auka við okkur,“ segir hann, en segist um leið skilja áhyggjur fólks af þessu. „En þetta sýnum við best í verki næsta hálfu árið.“

Theo Hoen og Sigsteinn Grétarsson segja ljóst að félagið sé í yfirburðastöðu í heiminum með heildarlausnir í vinnslu matvæla sem ekkert annað félag fái keppt við. Vissulega sé samkeppni þó hörð innan einstakra framleiðsluþátta, svo sem hvað varði einstakar skurðar- eða pökkunarvélar. Ekki sé hins vegar von á neinum kollsteypum í starfseminni og áhersl-



THEO HOEN OG SIGSTEINN GRÉTARSSON Marel er ekki á förum og gjaldeyrishöft ekki til vandræða samkvæmt því sem nýir yfirmenn Marel Food Systems segja. MARKAÐURINN/GVA

an á vöruþróun tengdri vinnslu á fuglakjöti, fiski og öðru kjöti. „Núna ríður á að koma fram sem eitt fyrirtæki, bæði inn á við og út á við. Það er stærsta áskorunin sem við Sigsteinn stöndum nú frammi fyrir,“ segir Hoen. Hluthafar segir hann að standi sterkir að baki stefnu félagsins og hafi burði til að styðja við hana, þótt ekkert launungarmál sé að stjórnin vildi gjarnan aukna erlenda fjárfestingu í félagið. „Stærsti hluti fjármögnunarinnar er hins vegar hér á landi og engin vandkvæði fyrirséð þar,“ segir hann og telur ekki að gjaldeyrishöft Seðlabankans séu til trafala.

Hoen verður með aðsetur í Boxmeer í Hollandi þar sem yfir 800 manns starfa, en Sigsteinn verður starfandi hér, þar sem um 350 manns starfa hjá fyrirtækinu. Höfuðstöðvar Marel Food Systems verða áfram hér á landi.

Stofnandi Össurar hf. minnkar við hlut sinn

Össur Kristinnsson, stofnandi stoðtækjafyrirtækisins Össurar, hefur selt um tvær milljónir bréfa í fyrirtækinu úr safni sínu síðan hann steig úr stjórn fyrirtækisins í febrúar.

Stofnandinn átti fjórðungshlut í Össuri árið 2004 en hefur minnkað hann jafnt og þétt síðan þá og fer nú með 8,4 prósent hlut í nafni eignarhaldsfélagsins Mallard Holding. Fyrir viku var greint frá því að breskur einkaframtaks-sjóður hafi gert öðrum hluthöfum tilboð í hluti þeirra og stefndi að

yfirtöku á félaginu.

IFS Greining segir í nýrri greiningu kaupstækifæri í bréfum Össurar og verðmetur þau á 1,2 dali á hlut. Það jafngildir um 136 krónum, sem er 40 prósentum yfir verði þeirra í gær. Þetta er engu síður talsvert undir fyrra markaðsgengi Össurar en vorið 2007 stóð það í tæpum 130 krónum á hlut. Á sama tíma stóð gengi Bandaríkjadals í um sextíu krónum sem jafngildir rúmunum tveimur dölum á hlut. Í dag nemur verðið um 0,9 dölum á hlut. - jab

Gefur fátækum gervifætur

„Ég ákvað fyrir tíu árum að hætta í stjórninni eftir fjörutíu ára starf,“ segir Össur Kristinnsson, stoðtækjafyrirtækingur og stofnandi stoðtækjafyrirtækisins Össurar.

Össur segir ástæðuna fyrir sölu á hlutum sínum þá að hann reki tvö fyrirtæki sem þurfi á fjármagni að halda.

Annað þeirra er O.K. Prosthetics, sem framleiðir gervilimi með ódýrari og fljótvirkari hætti en áður hefur tekist. Gervifæturnir eru hannaðir fyrir íbúa fátækra ríkja sem misst hafi fætur af ýmsum orsökum, ekki síst vegna stríðsátaka. Stefnt er að því að kenna íbúum landanna að framleiða gervilimina sjálf. Fyrirtækið er ekki rekið í ágóðaskyni. Össur segir erfitt að finna fjárfesta að verkefninu og verði

hann því að nýta eigin fjármuni í það.

Fyrirtækið hefur meðal annars farið til Mósambík í Afríku og á áttaskvæði í Pakistan. Nú hefur Félag Palestínuvina styrkt O.K. Prosthetics með kaupum á 25 til 30 gervilimum.

„Við förum til Gasasvæðisins í Palestínu á föstudag og verðum í viku,“ segir Össur.



ÖSSUR KRISTINSSON

Háskólinn í Reykjavík, SAS Institute og PricewaterhouseCoopers hf. bjóða þér að sitja málfing föstudaginn 27. mars, kl. 8:00 – 12:00.

STJÓRNUNARREIKNINGSSKIL: ERU ÞAU Í LAMASESSI HJÁ ÍSLENSKUM FYRIRTÆKJUM?

Kynntar verða glænýjar niðurstöður rannsókna á stjórnunarreikningsskilum á Íslandi. Þetta er í fyrsta sinn sem slík rannsókn er gerð á Íslandi og því mikill fengur fyrir endurskoðendur, stjórnendur fyrirtækja og aðra áhugasama að sitja þingið.

8:00 – 8:30 Léttur morgunverður

8:30 – 9:15 Stjórnunarreikningsskil í íslenskum fyrirtækjum: Staða og þróun

Dr. Páll Ríkhartsson dósent við Háskólann í Reykjavík og viðskiptaráðgjafi hjá SAS Institute

9:15 – 10:00 Icelandic Management Accounting in an International Perspective

Dr. Carsten Rohde prófessor í reikningshaldi við Copenhagen Business School

10:00 – 10:30 Kaffihlé

10:30 – 11:15 Mikilvægi innra eftirlits fyrir stjórnendareikningsskil

Ólafur Kristinnsson endurskoðandi hjá PricewaterhouseCoopers hf. og Jón Óskar Hallgrímsson hagfræðingur hjá PricewaterhouseCoopers hf.

11:15 – 12:00 Stjórnendaupplýsingar og ársreikningar: Er grundvallarmunur þarna á?

Stefán Svavarsson endurskoðandi og dósent í hlutastarfi við Háskólann í Reykjavík

Fundarstjóri er Guðfinna S. Bjarnadóttir

Aðgangur er ókeypis og öllum opin

Staðsetning: Háskólinn í Reykjavík, Ofanleiti 2, stofa 101

Vinsamlega tilkynnið þátttöku á skraning@ru.is

PROLOGUS býður ykkur velkomin á HönnunarMars 2009



Í s l e n s k h ö n n u n o g f r a m l e i ð s l a

Óbreytt framtíðarsýn laskaðra sparisjóða

Tveir sparisjóðir færðust í sögubækur um síðustu helgi. Prettán standa eftir en helmingur þeirra stendur höllum fæti. Jón Aðalsteinn Bergsveinsson leit yfir sögu sparisjóðanna og skoðaði ástæðurnar fyrir falli þeirra.

Nýr kafli var skrifaður í sögu sparisjóða landsins um helgina þegar lykjavöldin voru tekin af stjórnnum Sparisjóðs Reykjavíkur og nágrennis og Sparisjóða-bankans. Útlit er fyrir að tilvist þeirra beggja færast fljótlega í sögubækur.

Því til viðbótar hafa sex sparisjóðir óskað eftir eiginfjárframlagi frá hinu opinbera til að bæta úr slæmri stöðu.

Prettán sparisjóðir standa nú eftir. Líklegt má telja að vaxtar-tímabili þeirra sé lokið í bili og muni þeir snúa sér að rótunum, starfi í heimabyggð líkt og á upphafsárum þeirra.

BANKI BÚLAUSRA VINNUMANNA
Sparisjóðirnir eiga rætur að rekja allt aftur til þess þegar Jón Sigurðsson forseti talaði fyrir eflingu á innlendum sparnaði og nauðsyni þess að afla fjár til framfara um miðja nítjándu öld. Ráðamenn þjóðarinnar skeggræddu um stofnun innlendra fjármálastofnana í kjölfarið en áhuginn var lítill og koðnaði hugmyndin niður.

Fyrsti sparisjóðurinn mun hafa verið Sparnaðarsjóður búlausra í Skútustaðahreppi, sem stofnaður var um mitt ár 1858 á Grænavatni í Mývatnssveit. Stofnendur voru fátækir þingeykir vinnumenn sem ekki fengu fyrirgreiðslu í fjármálastofnunum þess tíma. Saga sjóðsins var stutt en hann þraut örendi sökum lausafjárskorts í sveitinni tveimur árum síðar.

Íslendingar voru almennt seinir til að tileinka sér sparisjóðahugmyndina. Fyrsti sparisjóðurinn hafði lítið dagsins ljós um hálfri öld fyrr í Bretlandi og nokkrum áratugum fyrr í Bandaríkjunum.

Þótt tilraunin í Mývatnssveit hafi ekki gefist vel í fyrstu atrennu litu fleiri sparisjóðir dagsins ljós fljótlega í íslenskum sveitum eftir þetta.

Saga þeirra margra reyndist þó skammvinn, ekki síst fyrir þær sakir að Landsbanki Íslands og Búnaðarbankinn sóttu hart fram á markaðssvæðum sparisjóðanna og gáfu þeir undan gegn ofurafli- ni í minni byggðum.

Vörn sparisjóðanna gegn áföllum var stofnun Sambands íslenskra sparisjóða árið 1967. Í kjölfarið var blásið til sóknar gegn viðskiptabönkunum stóru. Um áratug síðar jókst vörnin frekar með tilkomu Tryggingasjóðs sparisjóðanna. Sjóðurinn hefur rétt sparisjóðum hjálparhönd á erfiðum tímum. Í honum eru í dag um 400 milljónir króna og má hann ekki við miklu í samfélagi sparisjóða. Aldrei hefur verið gert ráð fyrir kerfishruni í líkingu við þau dómínóáhrif sem fóru af stað við fall bankanna í fyrrihaust



FRÁ AÐALFUNDI SPRON 2007 Sparisjóður Reykjavíkur og nágrennis var skráður á markað í október 2007. Gengi bréfa sparisjóðsins stóð í tæpum 17 krónum á hlut á fyrsta degi en gerði lítið annað en að lækka. Það stóð í 1,9 krónum á hlut þegar viðskipti með bréfin voru stöðvuð í bankahruninu tæpum tveimur árum síðar. Viðskipti með þau hófust aldrei á ný.

MARKAÐURINN/VALLI

HÁKARLAR GUÐA Á GLUGGA

Fall sparisjóðanna um helgina tengist mörgum þáttum, svo sem djarfri þátttöku þeirra á hlutabréfamarkaði og nánú samstarfi eftir aldamótin síðustu samhlöð umróti í hópi stofnfjäreigenda.

Nokkru eftir síðustu aldamót hófst það tímabil í sögu sparisjóðanna, sem einkenndist af samþjöppun tengdum viðskiptum með stofnfjäreigendur sparisjóðanna. Dæmi eru um að stofnfjäreigendur, sem setið höfðu á bréfum sínum í áratugi, og töldu þá nokkurra tugþúsunda virði fengu boð í bréfin upp á allt að fimmtíu milljónir króna. Viðskipti sem þessi tengdust að mestu Sparisjóði Hafnarfjarðar (nú Byr).

„Þetta var raunverulegt áhlaup á sparisjóðina og þeir börðust gegn því,“ segir Guðjón Guðmundsson, framkvæmdastjóri Samtaka sparisjóða. Hann líkir andstöðu stofnfjäreigenda gegn viðskiptum með stofnfjäreigendur á yfirverði við hákarla sem hafi séð fjárfestingartækifæri í sjóðunum. Stofnfjäreigendur hafi verið lítill hluti af eiginfé sparisjóðanna og því auðvelt að freista stofnfjäreigenda með gylliboðum. Sterk bein hafi þurft til að neita þeim.

Hann segir sparisjóðina hafa barist af alefli gegn stofnfjäreigendum á sínum tíma en Fjármálaeftirlitið slegið vopnin úr höndum þeirra þegar það gaf græna ljósið á sölu bréfanna á yfirverði í kjölfar baráttunnar um SPRON.

Guðjón segir ljóst að „hákarlarnir“ hafi ekki haft tilfinningar til sparisjóðanna sem barist var um með sama hætti og stofnfjäreigendur. Þegar markmiðum þeirra hafi verið náð hafi almenningur séð á eftir sparisjóðunum úr heimabyggð. „Það gerðu sér allir grein fyrir því að hákarlarnir voru ekki að hugsa um hag sparisjóðanna,“ segir hann.

Nær eina vörn sparisjóðanna gegn áhlaupinu var stofnfjäreigendur þar sem stofnfjäreigendur – bændum, ekkjum stofnfjäreigenda og afkomendum þeirra – gafst kostur á að auka við eigið fé sparisjóðsins með kaupum á stofnfjäreigendur gegn vilyrði um vaxtararðgreiðslu. Margir brugðu á slík ráð til varnar því að sparisjóðurinn lenti í röngum höndum. Vopnin hafa snúist í höndum margra upp á síðkastið, ekki síst þeirra sem skulsettu sig með erlendum lánnum í varnarleikum.

ÓBREYTT FRAMTÍÐARSÝN

Sparisjóðirnir tóku margir þátt í góðærinu, án þess í raun að hagnast verulega á því. Sem dæmi skilðu einungis tveir sparisjóðir hagnaði af grunnstarfsemi sinni, inn- og útlánastarfsemi, á góðærisárinu 2007 á sama tíma og aðrir skilðu tapi. Þá var eiginfjárhlutfall margra sparisjóða þegar orðið mjög nálægt þeim átta prósentum mörkum sem sett eru fyrir rekstur fjármálaframtækja.

Þeim sparisjóðum sem mesta áhættu tóku, svo sem SPRON og Sparisjóðabankanum, en eignarhlutur Sparisjóðabankans í Existu nam 80 prósentum af eiginfé hans 2006, tókst ekki að nýta sér góðærið með skikkanlegum hætti. Að sama skapi voru þeir afar viðkæmir fyrir sveiflum á hlutabréfamörkuðum. Botninn tók svo endanlega úr með falli bankanna og gengishruni Existu sem hreinsaði upp gengishagnað margra sparisjóða.

Vika var í gær síðan Guðjón kynnti framtíðarsýn Sparisjóðanna þar sem áætlað var að einn til tveir sparisjóðir yrðu á suðvesturhorni landsins en fjórir til sex á landsbyggðinni. Þær áætlanir eru óbreyttar, að hans sögn.



Aðalfundur

Aðalfundur HB Granda hf. verður haldinn föstudaginn 3. apríl 2009 í matsal fyrirtækisins að Norðurgarði, Reykjavík og hefst hann kl. 17:00.

Dagskrá

1. Venjuleg aðalfundarstörf samkvæmt 18. gr. samþykkt félagsins.
2. Tillaga um heimild félagsstjórnar til kaupa á eigin hlutum samkvæmt 55. gr. hlutafélagalaga.
3. Önnur mál, löglega upp borin.

Dagskrá, endanlegar tillögur og ársreikningur félagsins munu liggja frammi á skrifstofu félagsins, hluthöfum til sýnis, viku fyrir aðalfund. Ennfremur er hægt að nálgast gögnin á vefsíðu félagsins www.hbgrandi.is.

Framboðsfrestur vegna stjórnarkjörs rennur út fimm dögum fyrir upphaf aðalfundar. Upplýsingar um frambjóðendur til stjórnar verða birtar eigi síðar en tveimur dögum fyrir aðalfund.

Atkvæðaseðlar og fundargögn verða afhent á fundarstað frá kl. 16:30.

Óski hluthafar eftir að ákveðin mál verði tekin til meðferðar á aðalfundinum, þarf skrifleg beiðni um það að hafa borist félagsstjórn með nægjanlegum fyrirvara, þannig að unnt sé að taka málið á dagskrá fundarins.

Hluthafar sem ekki geta mætt á fundinn en hyggjast gefa umboð, þurfa að gera það skriflega.

Stjórn HB Granda hf.

SPARISJÓÐIRNIR Í GEGNUM ÁRIN

1858	Sparisjóður búlausra í Skútustaðahreppi
1864	Sparisjóður Mýrasýslu
1872	Sparisjóður Reykjavíkur (sameinaður Landsbankanum 1887).
1873	Sparisjóður Siglufjarðar
1875	Sparisjóður Alftaneshrepps (varð áratug síðar að Sparisjóði Hafnarfjarðar)
1876	Sparisjóður Höfðaverfirings (Grænavík)
1886	Sparisjóður Svandæða (Dalvík)
1889	Sparisjóðunni á Rosmihalnesi (hætti starfsemi 1892)
1891	Sparisjóður Kirkjubólis- og Fellshreppa (breytt í Sparisjóð Strandamanna 1991)
1892	Sparisjóður Ólafsvíkur
1892	Sparisjóður Sykkishólms
1892	Sparisjóður Fátækrahrepps
1896	Sparisjóður Vestur-Ísafjarðarsýslu (síðar Sparisjóður Þingeyrarhrepps)
1902	Sparisjóðurinn í Keflavík
1907	Sparisjóður Hólshrepps (síðar Sparisjóður Skeggarfjarðar)
1908	Sparisjóður Bolungarvíkur
1910	Sparisjóður Hríflíðinga (Borðeyri)
1913	Sparisjóður Mýrasýslu
1914	Sparisjóður Ólafsfjarðar
1918	Sparisjóður Ónundarfjarðar
1920	Sparisjóður Norðfjarðar
1929	Eyrarsparisjóður á Patreksfirði
1932	Sparisjóður Reykjavíkur og nágrennis
1932	Sparisjóður Arneshrepps
1942	Sparisjóður Vestmannaeyja
1942	Sparisjóður Hellissands
1956	Sparisjóður Kópavogs
1956	Verslunarsparisjóðurinn (síðar Verslunarbanki Íslands)
1957	Samvinnusparisjóðurinn (síðar breytt í Samvinnubankna Íslands. Seldur Landsbankanum 1990)
1961	Sparisjóður veltúra
1962	Sparisjóður Hveragerðis og nágrennis (Búnaðarbanki Íslands tók hann yfir 1967)
1963	Sparisjóður Húsvetninga
1964	Sparisjóður Sykkishólms
1965	Sparisjóður Dalasýslu
1967	Sparisjóður alþjóðunnar (breytt í Alþjóðabankann 1971).
1972	Sparisjóður Suðavíkur
1986	Lánastofnun sparisjóðanna (síðar Sparisjóðabankinn) stofnaður
1991	Sparisjóður Hornarfjarðar og nágrennis
1991	Sparisjóður Norðlandinga (varð til með sameiningu Sparisjóðs Akureyrar og Arnarneshrepps og Sparisjóðs Gíslabæjarhrepps)
1997	Sparisjóður Mývatnssveitinnar, Sparisjóði Suður-Þingeyinga
1997	Sparisjóður Hríflíðinga, sameinaður Sparisjóði Vestur-Húsvetninga. Tekur upp nafnið Sparisjóður Húnaþings og Stranda.
1999	Sparisjóður Mýrarhrepps, sameinaður Sparisjóði Þingeyrarhrepps, Sparisjóði Rauðasandshrepps við Eyrasparisjóð og sameiningu Sparisjóðs Sigandárfjarðar og Sparisjóðs Bolungarvíkur.
2000	Kaupung og Spron kaup Sparisjóð Suðavíkur og Sparisjóð Ónundarfjarðar.
2001	Sparisjóður Vestfirðinga. Að honum stóðu Sparisjóður Ónundarfjarðar, Suðavíkur, Þingeyrarhrepps og Eyrarsparisjóðs.
2003	Sparisjóður Mýrasýslu kaupir allt stofnið Sparisjóðs Siglufjarðar.
2006	Sparisjóður Hornarfjarðar og nágrennis, sameinaður Sparisjóði Vestmannaeyja
2006	Sparisjóður Hafnarfjarðar og Sparisjóður veltúra sameinaður undir nafni Byrs.
2006	Sparisjóðurinn í Keflavík og Sparisjóður Ólafsvíkur reyna Samna.
2007	Sparisjóðurinn í Keflavík kaupir Sparisjóð Húnaþings og Stranda.
2007	Sparisjóður Siglufjarðar og Sparisjóður Kópavogs sameinaður.
2007	Samkomulag um samruna Byrs og Sparisjóðs Norðlandinga.
2007	SPRON skráður á markað
2008	Sparisjóðurinn í Keflavík kaupir Sparisjóð Vestfirðinga
2009	Skilanefndir taka yfir stjórn SPRON og Sparisjóðabankans. Sjá sparisjóðir óska eftir eiginfjárframlagi frá hinu opinbera.

Kynjuð hagstjórn & nýjungar í Orra

Morgunverðarfundur Skýrr, föstudaginn 27. mars

Skýrr býður stjórnendum hjá hinu opinbera til morgunverðarfundar um kynjaða hagstjórn og spennandi nýjungar í Orra – fjárhags- og mannauðskerfum íslenska ríkisins.

Fundurinn verður haldinn í ráðstefnusal Skýrr að Ármúla 2, frá kl. 8:00 til 10:00, föstudaginn 27. mars.

Þátttaka er gestum að kostnaðarlausu og fundurinn er öllum opin, meðan húsrúm leyfir.

Skráning fer fram á vefsvæði Skýrr (skýrr.is).

Fyrri hluti fundarins fjallar um kynjaða hagstjórn. Framsögu flytur Steinunn Gyðu- og Guðjónsdóttir, framkvæmdastýra UNIFEM á Ísland.

Ríkisstjórn Íslands hyggst innleiða kynjaða hagstjórn og stefnumótun og undirbúningi verður lokið innan eins árs. Með kynjaðri hagstjórn er átt við að skoða hagstjórn-araðgerðir, fjárlagaaðgerðir og aðrar aðgerðir af hálfu hins opinbera með hliðsjón af áhrifum þeirra á stöðu kynjanna.

Í seinni hluta morgunverðarfundarins verður farið yfir nokkrar nýjungar í Orra - fjárhags- og mannauðskerfum íslenska ríkisins.

„Verkbókhald – með puttann á púlsinum“ nefnist fyrsti fyrirlesturinn í þeim hluta, „Viðskiptaskuldir (AP) með hraði“ annar og síðastur á dagskrá er fyrirlesturinn „Greiðsluseðlar og nýjungar í viðskiptakröfum (AR)“.



8:00 Morgunverður
Ljúffengar veitingar að hætti hússins

8:30 Skýrr býður góðan dag
Þórólfur Árnason, forstjóri Skýrr

8:35 Kynjuð hagstjórn
Steinunn Gyðu- og Guðjónsdóttir, framkvæmdastýra UNIFEM

9:00 Verkbókhald – með puttann á púlsinum
Helgi Magnússon, hópstjóri hjá Skýrr

9:25 Viðskiptaskuldir með hraði (AP)
Gestur Traustason, ráðgjafi hjá Skýrr

9:45 Greiðsluseðlar og nýjungar í viðskiptakröfum (AR)
Ólína Laxdal, hópstjóri hjá Skýrr



Allt á
einum stað

569 5100
skýrr@skýrr.is

Skýrr

MARKAÐURINN

Sögurnar... tölurnar... fólkíð...

Afstaðan til Evrópusambandsins og samstarfs við aðrar þjóðir virðist flækjast fyrir hluta landsmanna.

Taka þarf á því sem máli skiptir

Óli Kristján Ármannsson

Ljóst má vera að ef koma á landinu upp úr kreppuhjólforunum þarf að koma til erlent fjármagn. Það fæst ekki í því magni sem þarf í umhverfi gjaldeyrishafta og/eða gjaldeyrissóroa. Þá verður að teljast ólíklegt að forsvarsmenn erlendra stórbanka sem hér hafa tapað ógrynni fjár verði áfjáðir í að fjármagna hér uppbyggingu ef ekki er fyllstu sanngirni gætt í samskiptum við þá.

Markaðurinn hefur undir höndum samskipti fulltrúa kröfuhafa SPRON frá því fyrir helgi þegar í það stefndi að SPRON og sparisjóðabankinn yrðu teknir yfir. Ljóst er að mikillar reiði gætir í þeirra hópi þar sem ekki hafi verið fullreynt með samninga um niðurfellingu skulda og breytt lánakjör sem þeir telja að aukið hefðu líkur á betri heimtum á kröfum þeirra. Þrátt fyrir að kröfuhafarnir hafi lýst yfir vilja til að ljúka samningum innan ásættanlegs tíma var ráðist í yfirtökuna. Forsvarsmenn þessara sömu banka ákveða lánakjör til hvarra þeirra íslensku fyrirtækja sem til þeirra kynnu að leita þegar fram líða stundir.

Þá má gera ráð fyrir því að framferði ríkisins í garð erlendra kröfuhafa bankanna hafi áhrif þegar upprunalönd þessara sömu kröfuhafa taka afstöðu til þess hvort lána eigi ríkinu til uppbyggingarstarfs hér og þá á hvaða kjörum. Óhemjumikilvægt er að vel takist til í þessum samskiptum.

Þá er ekki síður mikilvægt að fyrir liggi í hvaða efnahagsumhverfi við ætlum að standa að uppbyggingunni. Verður það með krónu og gjaldþrota stjórn peningamála, eða í umhverfi einhliða upptöku annars gjaldmiðils sem seint mun teljast traustvekjandi, enda uppspretta viðvarandi gjaldeyrishafta án lánveitanda til þrautavara sem stutt geti við stærri fjármálafyrirtæki. Besti kosturinn er augljós, en hann er að lýsa þegar yfir þeirri fyrirætlan að sækja um aðild að Evrópusambandinu og taka í kjölfarið upp evru. Liggi sú leið ljós fyrir hefur það strax áhrif á þau vaxtakjör sem ríkinu standa til boða. Þarna getur munað milljörðum, ef ekki tugmilljörðum á ári.

Þetta eru þau mál sem mikilvægast er að taka á núna um leið og lokið er við efnahagsreikninga bankanna svo þeir fái stutt við atvinnulífið í landinu. Þannig verður betur tekist á við vaxandi atvinnuleysi en með þeim áherslum sem manni sýnast nú að hluta ráðandi í landstjórninni, að koma á margvíslegri lagasetningu sem menn ímynda sér að komið hefði að gagni fyrir fjórum árum þegar vöxtur bankanna var hvað mestur og athafnamenn fóru mikinn í fjármagnsflutningi milli landa.

Þannig getur verið góðra gjalda vert að breyta lögum um tekjuskatt og staðgreiðslu opinberra gjalda til að styrkja skattfræmð og hamla gegn undanskoti skatta. Aukin skattheimta á fólk og fyrirtæki í umhverfi dagsins er hins vegar dálítið eins og að heimta að sjúklingarnir á lungnadeildinni sjái þar um þrifin líka með súrefniskútinn í eftirdragi. Rannsóknir hafa enda sýnt að skattahækkunir á krepputímum draga fremur úr skatttekjum en auka. Þá er rétt að hafa í huga að sú yfirlýsing ein að hér verði stefnt að Evrópusambandsaðild kemur líklega til með að spara ríkinu meira fé í vaxtagreiðslum en aflað verði með góðu móti með skattahækkunum. Á tímum sem þessum er rétt að beina kröftunum í hluti sem skipta í alvörunni máli.

Auglýsingasími

512 5050



– Mest lesið

Sparnaðarleiðir og sóknarfæri

ORD Í BELG

Art Schalk
framkvæmdastjóri
hjá Annata.



einkum viðskipta- og greindarlausnir (e. Business Intelligence Systems). En getur ávinningur af nýtingu viðskipta- og greindarlausna verið mikill á óvissutímum? Hér verður stuttlega vikið að því hvernig stuðla megi að raunverulegum árangri í rekstri og leita markvisst svara við áleitnum spurningum með beitingu slíkra tóla.

Til að aðlaga rekstur fyrirtækja að breytingum í starfsumhverfi er oft þörf á að endurskoða ferla og innviði. Aðgengi að góðum upplýsingum geta aðstoðað við að greina hvar gera megi betur. Sem dæmi þá geta öflugir mælikvarðar um skilvirkni birgðastjórnunar, aldursgreiningu birgða og kostnað við birgðahald gefið skýrar vísendingar um hvort kostnaður sé að safnast upp í birgðahaldi og hvort draga megi úr fjárbindingu vegna lagers með söluhvetjandi aðgerðum og/eða breyttum áherslum í innkaupum og framleiðslu. Ítarlegar söluupplýsingar þar sem greina má framlegð á vörum og viðskiptavinum geta gefið nákvæmar upplýsingar um hvaða vörur seljast mest, framlegð þeirra og hverjir kaupa. Jafnframt má greina gót í vöruvali viðskiptavina og sjá þar með sölu-tækifæri sem ellegar væri erfitt að greina beint í upplýsingakerfi fyrirtækja. Með markvissri beitingu viðskipta- og greindarlausna má leita svara við spurningum á borð við:

- Hvaða vörur hreyfast mest/minnst?
- Hver er aldursmáttmál birgða (m.v. síðustu innkaup/síðustu hreyfingu)?

Íslensk fyrirtæki hafa ekki farið varhluta af aukinni óvissu í starfsumhverfi sínu. Samdráttur í sölu, minnkandi framlegð og versnandi lausafjárstaða skapa aðstæður sem reynir á hæfni og getu stjórnenda til að taka skjótar og markvissar ákvarðanir. Til að fyrirtæki geti brugðist hratt við þurfa þau greiðan aðgang að upplýsingum um rekstur sinn. Framsetning þeirra verður að vera með þeim hætti að notendur þeirra geti nýtt þær til að öðlast góða yfirsýn yfir málin og tekið upplýstar ákvarðanir. Markviss notkun upplýsinga getur hjálpað stjórnendum að koma auga á hvar hagræða megi í rekstrinum og greina sóknarfæri til að auka sölu. Þá getur rétt greining upplýsinga aðstoðað stjórnendur við að auka hreint veltufé úr rekstri með tilteknum aðgerðum.

Stjórnendur verja nú stórum hluta tíma síns í að leita leiða til að skera niður rekstrarkostnað og finna hagkvæmari leiðir til að reka fyrirtæki. Gjarnan er byrjað á sýnilegum þáttum. Fjárfestingum er slegið á frest og dregið er úr ýmsum kostnaði, eins og þeim sem snýr að skrifstofu og stjórnun. Dugi það ekki til er einnig oft dregið úr launakostnaði með fækkun starfsfólks. Þótt ofangreindar aðgerðir geti skilað árangri þá eiga þessar hagræðingarleiðir það sammerkt að verið er að ráðast á sýnilegan hluta kostnaðar og framtíðarútgjalda, þ.e. auðveldustu viðfangsefni.

Í fyrirtækjarekstri liggur oft töluverður dulinn kostnaður í brothættum vinnuferlum, skorti á yfirsýn og ónógu aðgengi að upplýsingum. Ofangreindir þættir geta svo leitt til þess að slæmar ákvarðanir eru teknar sem leiða af sér kostnað og óhagræði. Það á jafnt við í fyrirtækjarekstri og í öðrum viðfangsefnum: það sem er erfitt að fást við er oft látið liggja milli hluta.

Rétt notkun upplýsingatækni gegnir hér stóru hlutverki og þá

- Hver er arðsemi fjármagns bundið í birgðum?
- Hver er vörusalan og vöruframlegð á vöruflokki/vöru?
- Hvaða afslátt erum við að veita og til hvarra?
- Hvernig er kostnaður að þróast?
- Hver er arðsemi afrekstrinum?? Af eigin fé?
- Hver er biðtími útistandandi krafna? Hver er veltuhraði birgða?
- Hver er skuldsetning fyrirtækisins, miðað við eignir? Miðað við skuldir og eigið fé?

Rekstur flestra stærri fyrirtækja er með þannig flækjustig að einstakir stjórnendur eiga erfitt með að hafa yfirsýn yfir alla þætti hans. Með aðstoð öflugra viðskipta- og greindarlausna verður það gerlegra.

Tæknin er orðin þannig að flestar viðskiptalausnir hafa notendavænt viðmót þannig að notendur geta á stuttum tíma náð leikni í notkun þeirra. Með því að útbúa sniðmát fyrir staðlaðar skýrslur verður upplýsingavinnsla innan fyrirtækja á allan hátt skilvirkari. Stutt notendánámskeið dugur til að gera notendur sjálfbjarga.

Mörg fyrirtæki á Íslandi hafa þegar fjárfest í búnaði sem þarf til að setja upp öflugt greindarlausnaumhverfi. Þorri íslenskra fyrirtækja hefur þegar keypt Microsoft-búnað sem samanstendur af viðskiptakerfi (m.a. Microsoft Dynamics AX eða NAV, SQL grunni, Sharepoint vefgátt og ýmsum notendakerfum (Word, Excel, o.fl.). Þeirri fjárfestingu fylgja flest tilskilin leyfi sem til þarf til að nota Microsoft BI lausnir. Sú margvísða greining sem s.k. OLAP teningar Microsoft bjóða upp á gerir notendum kleift að fá innsýn í gögn á hraðan, skilvirkan og gagnvirkan hátt. Á grundvelli teninganna má útbúa skýrslur og mælaborðssýnir sem draga enn betur fram kjarnaatriðin í rekstri fyrirtækja.



HAMAST Í TÖLVUNNI Greinarhöfundur veitir upp möguleikum á sviði upplýsingatækninnar til að koma á umbótum í rekstri og kostnaðargreiningu í fyrirtækjum. Sjaldan hafi þörfin verið jafnmikil og nú.

MARKAÐURINN/VALLI

ORÐSKÝRINGIN

Vísitala neysluverðs

Vísitala neysluverðs er mælikvarði á verðbreytingar neysluvara og í daglegu tali nefnd verðbólguvísitalan, enda mælir hún verðbólgu eða -hjóðnun eftir atvikum. Hagstofan annast mælingu á vísitölunni og birtir niðurstöðurnar mánaðarlega. Síðast var verðbólgu-mæling birt í gær og hafði lækkað nokkuð milli mánaða. Tólf mánaða verðbólga er nú 15,2 prósent.

Hagstofan kannar verð á um 800 vöru- og þjónustuliðum og innan hvers

liðar er kannað verð í mismunandi verslunum og á mismunandi vörumerkjum. Í fróðleiksmolm greiningardeildar Kaupþings kemur fram að mánaðarlegar verðskráningar eru því um 14 þúsund talsins. „Val á vöru- og þjónustuliðum, verslunum og vörumerkjum byggir á neysluskönnunum sem framkvæmdar eru reglulega meðal almennings. Meðal mikilvæggra liða í vísitölunni eru húsnæði, bifreiðar, matvara, rafmagn og hiti. Hver vöru- og þjónustutegund fær vægi í hlutfalli við hve stór hluti hún er af neyslu þjóðarinnar.“



ÚTGÁFUFLAG: 365 miðlar ehf. RITSTJÓRI: Óli Kr. Ármannsson, olkr@markadurinn.is RITSTJÓRN: Jón Aðalsteinn Bergsveinsson, jonab@markadurinn.is AUGLÝSINGASTJÓRI: Jón Laufdal RITSTJÓRN OG AUGLÝSINGAR: Skaftahlíð 24, 105 Reykjavík. AÐALSÍMI: 512 5000 SÍMBRÉF: 512 5301 NETFÖNG: ritstjorn@markadurinn.is og auglysingar@markadurinn.is VEFFANG: vísir.is UMBROT: 365 miðlar ehf. PRENTVINNUSLA: Ísafoldarprentsmiðja ehf. DREIFING: Pósthúsið ehf. dreifing@posthusid.is Markaðurinn er dreift ókeypis með Frettablaðinu. Markaðurinn áskilur sér rétt til að birta allt efni blaðsins í stafrænu formi og í gagnaböndum án endurgjalds.

Perlan

Ein magnaðasta bygging Reykjavíkur á daginn.
Eitt besta veitingahúsið á kvöldin.

Uppbókað laugard. 21. mars

Hringbraut

Nú fer hver að verða síðastur!

Allt í steik lýkur 29. mars

4ra rétta seðill

1 HRÁSKINKA „PROSCIUTTO“
með fíkjum, salati og ferskum parmesanosti

2 RJÓMALÖGUÐ HUMARSÚPA
með humarfrauði

VELDU MILLI ÞRIGGJA AÐALRÉTTA

MARINERAÐUR KÁLFAHRYGGUR Á BEINI
með ristuðu grænmeti, kartöflumauki
og hunangskryddsósu (4.590 kr.)

3 ÖND
með appelsínusósu og kartöfluköku (5.590 kr.)

NAUTALUND
Béarnaise með grilluðu hvítlauksristuðu spínati
og sperglum (6.590 kr.)

4 LOGANDI CRÈME BRÛLÉE
með súkkulaði ís

Gjafabréf Perlunnar
Góð tækifærisgjöf!



Allt í steik
verð frá **4.590 kr.**

Nýr A la Carte hefst 30. mars!

Veitingahúsið Perlan - Sími 562 0200 - Fax 562 0207 - Netfang perlan@perlan.is - Vefur www.perlan.is



Drifing ehf.



LINDSAY



Garri

Bananar



Lambhagi



Egils



Globus

PERLU KAUP

MARLAND
FISKUR ER OKKAR FAG



BAKKUS

ora



GEVALIA

BANKHÓLFID

Glæsileg lausn

Steingrímur J. Sigfússon fjármálaráðherra ýtti rækilega undir væntingar um farsæla lausn á Icesave-málinu í viðtali í Zetunni, nýjum viðtalsþætti mbl.is. Hann sagði glæsilega niðurstöðu í auglýsingu og kvað Svavar Gestsson, formann viðræðunefndarinnar, njóta fyllsta trausts. Ráðherrann lét hins vegar hjá líða að nefna í hverju lausnin glæsilega kynni að felast. Kannski hefur hann í huga hugmyndir um að bresk stjórnvöld taki að mestu yfir þrotabú Landsbankans upp á að ná þar út eins miklum verðmætum og þau geti, gegn því að einnig verði yfirteknar Icesave-skuldbindingar. Heimildir Markaðarins herma hins vegar að enn sé verið að ræða marga mögulega kosti við Breta og lausn tæpast í auglýsingu.



Ónýtt nafn?

Lítill fótur virðist fyrir fleiri sögum sem hátt fara í bankheiminum þessa dagana og kannski gott til þess að hugsa að ekki hafi dregið úr kjaftagleði í geiranum þrátt fyrir fall fjármálakerfisins. Þannig flýgur sú saga fjöllum hærra að búið sé að ákveða að skipta starfsemi Nýja-Landsbankans á milli Íslandsbanka og Kaupþings. Landsbankanafnið sé ónýtt eftir að Icesave-ævintýrið fæst ekki fjarlægt af hryðjuverkalista Breta.

Engar líkur munu hins vegar á ákvörðunum í þessa veru fyrir en að fullu hefur verið gengið frá efnahagsreikningi bankanna, til að menn viti þá hverju er upp að skipta. Þá virðist gleymast að Landsbankinn nýi gæti sem hæglegast falið forsöguna með einföldum nafnaskiptum. NBI hljómar jú vel og afturhvarf Nýja-Glitis til Íslandsbankanafnsins þykir hafa tekist vel. En endanleg ákvörðun bíður væntanlega nýrrar ríkisstjórnar.

Á röngunni

Viðskiptaráð auglýsti á mánudag morgunverðarfund um sjálfstæða mynt í kreppunni, sem halda átti í gær samkvæmt auglýsingu. Þegar grennslast var fyrir um málið reyndist dagsetningin röng. Hið rétta er að fundurinn verður í dag. Þá er Hörður Arnarson í auglýsingu sagður forstjóri Marel Food Systems. Fljótt skipast veður í lofti því nýr forstjóri var settur yfir fyrirtækið um helgina og verður Hörður því milli starfa á fundinum. Taka má málið lengra því Steingrímur J. Sigfússon fjármálaráðherra flytur opnunarávarp. Eins og málin hafa þróast í tengslum við fundinn má allt eins gera ráð fyrir því að hann verði á milli ráðuneyta.



65

prósenta lækkun hefur orðið á markaðsvirði Royal Unibrew, næststærstu bruggverksmiðju Danmerkur, frá því félagið birti ársuppgjör sitt fyrir mánuði. Stoðir eiga fjórðung í félaginu.

228

milljarðar króna, eða tveir milljarðar Bandaríkjadala, fara í bónus til starfsfólks bandarísku versunarkeðjunnar Wal-Mart á árinu. Starfsmenn eru um milljón talsins.

35

starfsmenn Teathers, verðbréfamíðlunar Straums í Bretlandi, hafa verið ráðnir til Singer Capital Markets. Singer var áður í eigu Kaupþings.



Sony Center

Sony Center kynnrir

Ný Sony tökuvél, engin spóla, enginn diskur, ekkert vesen. SX30 er vönduð, nett og skemmtileg tökuvél.

- DCR-SX30
- Tekur allt að 2 klst. og 55 min. á innbyggt minni - 4GB
- Vönduð Carl Zeiss linsa með 60x aðdrætti
- SteadyShot hristivörn – fyrir mynd sem ekki skelfur á skjánum
- Face Index - svo auðvelt sé að finna upptökur af vinum og vandamönnum
- 2,7 tommu litasertiskjár – stór og bjartur skjár
- One Touch Disc Burn - auðveldar til muna að brenna disk með upptökum
- MemoryStick minnskortarauf - fyrir aukid pláss til upptöku

Fæst rauð, blá og silfurlituð

Verð 64.990,-



SONY

Sony Center
Kringlunni
103 Reykjavík
Sími: 512-3300
www.sonycenter.is

SAMSUNG
CLX-3160FN



SAMSUNG
Á SKRIFSTOFUNA!

FRÁBÆRT
FJÖLNOTATÆKI

LITA LASERPRENTARI: Upplausn: 2400 X 600 dpi
SKANNI OG LJÓSRITUN: Upplausn: 600 X 1200 (max 4800 X 4800)
FAXTÆKI: Leshraði: 3 sek pr/bls - Númeraminni: 30 beint
ALMENN: Pappirsbakki inn/út: 150/100 blöð - Minni: 128 MB
TENING: USB 2.0, Ethernet 10/100BaseTX

TILBOÐSVERÐ: 69.900,-
VERÐ ÁÐUR: 89.900,-

NÝR LITA
LASER-PRENTARI



NÝR, NETTUR,
HUJÓDLÁTUR
OG SKARPUR
LITA LASER-PRENTARI

Upplausn: 2400 X 600 dpi
Minni: 32MB
Hljódmagn: <49dB
Stuðningur: Windows, Mac OS 10.3.x og Linux
Tenging: USB 2.0

VERÐ: 39.900,-

SAMSUNG
CLP-310



NÝTT
FJÖLNOTATÆKI

LASER-PRENTARI
SKANNI, LJÓSRITUN

Laserprentari: Svart/hvítur
Prenthraði: 18 bls./min.
Skanni og ljósrítun: Upplausn: 600x2400dpi
Stuðningur: Windows, Mac OS, Linux
Tenging: USB 2.0

VERÐ: 37.900,-

SAMSUNG
SCX-4300

ORMSSON

SKRIFSTOFUVÖRUR · SÍÐUMÚLA 9 · SÍMI 530 2800